

# علم الأحياء

لطلاب الثالث الثانوي العلمي

قسم العصبية

تتضمن النوبة :

- الشمولية لكامل أفكار الكتاب.
- شرح بالعامية بأسلوب بسيط وممتع.
- قصص لربط المعلومات الصعبة.
- ميمز دراسية للخلط بين الدراسة والتسلية.
- تنسيق ممتاز لربط المعلومة بالذاكرة البصرية.

2023  
2024

يتألف هذا العمل من :

1. تنسيق ممتاز لكافة فقرات الكتاب مع اسلوب جديد كليا (الهدف تبسيط المعلومة وضمان علامتها في الامتحان) وربط المعلومة بالذاكرة البصرية.
2. شمولية لكافة معلومات الكتاب وعدم إنقاص أي معلومة.
3. إشارة في جانب كل جملة توضح هذه الجملة كيف تأتي في الامتحان وتلويها كل شيء بلون (أتمتة) هذه الكلمة بلون (ماذا ينتج) (حدد موقع) (وظيفة) (علل) (دراسة حالة).
4. شرح بالعامية بعد كل فقرة ويتسم الشرح ببساطته وإيصاله لكامل الأفكار.
5. قصص لربط المعلومات الصعبة من مبدأ بيخها بتحفظها.. كمثال صغير من قصصنا للدرس الخامس قسم العصبية وعن الشوارد وتراكيزها على جانبي الغشاء (نحن وبن مناكل Na Cl مناكل برا ولهاد السبب شوارد الكلور والصوديوم هي الأكثر وجودا خارج غشاء الليف العصبي)
6. ميمز دراسية للخلط بين الدراسة والمتعة والتسلية ولنرسم من خلال الميمز فرحة على وجهوكم وايضا لتثبيت المعلومات فمن خلال الميمز يمكننا ايضا تثبيت المعلومات في ذاكرتنا البصرية.
7. تستطيعون مشاهدة فيديوهات شرح هذه النوطة (شرح لكامل منهاج العلوم) أيضا على تطبيقنا بكالوجيا bacalogia إذ سيتم شرح كامل المنهاج من النوطة وبهذه الحالة نكون وفرنا عليك الكثير من الوقت إذ يلزمك موبايل والنوطة فقط والفيديوهات ستكون قصيرة بين 5-20 دقيقة حتى لا يمل الطالب من طول الفيديوهات (الدخول إلى التطبيق « زر الفريق « مادة العلوم « دورات مصورة)
8. ستجدون نوطة الشرح التابعة لفريق بكالوجيا وأي عمل لفريقنا بكالوجيا على تطبيق بكالوجيا bacalogia بشكل

PDF

**ملاحظة هامة :** يمنع نسخ أو مسح أو استعمال أي جزء من هذا الكتاب بأي وسيلة تصويرية أو إلكترونية أو ميكانيكية، بما فيها النسخ الفوتوغرافي والتسجيل على أشرطة أو أقراص الكترونية، أو أي وسيلة أخرى أو حفظ المعلومات واسترجاعها دون الحصول على موافقة خطية من الناشر.

كل من يساهم أو يشارك أو يباشر في عملية تصوير هذا الكتاب أو استنساخه بأي وسيلة كانت يعرض نفسه للمساءلة والملاحقة القانونية.

**تأكد من شراء النسخة الأصلية بطباعة ملونة ذات جودة عالية ووضوح الكلمات الممتاز فيها**

## مقدمة عن نوبة قسم العصبية

يعطيكن العافية يا حلويين 🌸

رح نبليش بأول قسم من أول وحدة يلي هي العصبية...

يمكن صيتها سابقها يقال كثير انو صعبة بس سوا ان شاء الله كثير حتكون سهلة وحتكون امورنا رواق ♥☺  
وحدتنا مكونة من 11 درس بيتباينوا بين السهل والصعب...

← **أول درس** عم يعرفك على الجهاز العصبي المركزي وعلى أجزاءه.

← بعدين **بدرسه الثاني** حب يخبرك عن الخلايا العصبية وانواعها...

← **بالدرس الثالث** حب يغيرلك جو عن المواقع وخبرك عن الجهاز المستقل اللا ارادي الودي اللي بيخليك تعرق وتبهدل وتخربط بالحكي لما تسلم عليك الكراش ونظير الودي اللي بيساهم بهضم تنين شاورما مع شاي أخضر ( وركزلي عالشاي الأخضر)...

← **الدرس الرابع** القصير يلي كل مفاهيمه بتتلخص بمخطط وجدول سهلين.

← **الدرس الخامس** الدرس الطويل والمتوسط الصعوبة يلي رح يحكي عن الظواهر الكهربائية في الخلايا العصبية.

← **الدرس السادس** الطويل لكن السهل مقارنة بالخامس ويلي رح يحكي عن النقل في الاعصاب.

← **الدروس السابع والثامن والتاسع** يلي رح نحكي عن نفس الموضوع ويلي هو وظائف الجهاز العصبي المركزي.

← بعدها **الدرس العاشر** يلي موضوعه عن الفعل المنعكس سهل كمان.

← **الدرس الحادي عشر** اقصر درس بقسم العصبية رح يحكي عن الامراض العصبية بشكل موجز...

بالنهاية بيقلوا انو **الدرس الاول والخامس والسادس** أصعب شي... بس إذا ركزت معنا حيكونوا سهلين وحتستمع فيهن

وعد ☺..... **الدرس الثامن والتاسع والحادي عشر** أسهل شي ومعنا حيصيروا أسهل وأسهل



## الدرس الأول: الجهاز العصبي

## المقدمة:



يعطيك العافية ... رح نبدأ بأول درس علوم ويلي هو الجهاز العصبي

الدرس هاد بيحي منه كثير من حيث حدد موقع ودراسة حالة عن الاستقاء الدماغي كثير مهمة واجت قبل هالمرة سؤال دورة عليه كان 16 علامة...

الدرس متوسط بين السهل والصعب ممكن نشوفه صعب شووي كونه اول درس بمسيرة دراستنا لمادة العلوم بس هو صدقاً سهل.



وبعد هالمقدمة الصغيرة خلونا نلش.

## البارامسيوم:



تتحرك جميع أهداب البارامسيوم بانتظام، إذ أن كل هذب يتصل بحبيبة قاعدية **مغمورة** في السيتوبلازم (المادة الحية)، وتتصل هذه الحبيبات مع اللييفات العصبية لتكون شبكة عصبية.

ينتج عن تلف بعض هذه اللييفات العصبية توقف حركة الأهداب المتصلة بها. (أتمتة) + (ماذا ينتج)



## قصة للربط:

البارامسيوم ← البار الإنسان  
البار بيكون مهذب (مهذب) و  
# قاعد # حباب لذلك  
البارامسيوم عنده هذب  
متصلة بحبيبة قاعدية..

## الهيدرية:




تنكمش هيدرية الماء العذب بأكملها عند اللمس المفاجئ للوامسها (علل)؟

بسبب جهازها العصبي المكون من شبكة من خلايا عصبية أولية توصل السيالة العصبية بكل الاتجاهات وتتوضع في قاعدة كل من الطبقتين الخارجية والداخلية على جانبي الهلماة المتوسطة لجدار جسم الهيدرية (أتمتة)

## قصة للربط:

الهيدرية من اسمها هيد HEAD يعني رأس~رقص لذلك وقت بتلمسها بتنكمش كلها وكأنها عم ترقص وحتى شكلها مثل الرأس HEAD يلي شعره منفوش مجعد (الوامس) وسبب هالانكماش هو شبكة خلايا متصلة ببعضها البعض ..



### قصة للربط:

دودة الأرض عندها حبل عصبي  
بطني ليش بطني؟ لأنها بتمشي  
على بطنها أساسا واكيد عندها  
عقد و اعصاب..

### دودة الأرض:



#### تجذب الدودة نحو الغذاء والرطوبة (علل)؟

يعود ذلك لتعقد نسبي في جهازها العصبي الذي يتكون من حبل عصبي بطني وعقد و أعصاب.

### شرح

#### دودة الأرض



شو يعني معقد نسبياً؟

نحن لما قلنا انو الحشرات عندها جهاز عصبي "معقد نسبياً" يعني جهاز الحشرة معقد بالنسبة للهدرية و معقد كتيير بالنسبة للبارامسيوم بس بالنسبة للانسان هو مو معقد بل بسيط جداً لان الانسان جهازو العصبي متطور اكثر....  
طبعاً من هالفقرة (أتمتة)

### الحشرات:




#### تكيفت الحشرات مع البيئات المختلفة (علل)؟


لأنها تمتلك جهازاً عصبياً مركزياً معقداً نسبياً يتكون من حبل عصبي بطني وعقد عصبية و اعصاب و جهاز عصبي حشوي (أتمتة)

#### وبالتالي لدينا استنتاج بأنه : (أتمتة)

يزداد الجهاز العصبي تعقيداً كلما ارتقى في سلم التطور ليصل إلى **أقصى** درجات التعقيد والكفاءة لدى الإنسان.



## الجهاز العصبي المركزي: (أتمتة) + (دراسة حالة):



❖ كثر في الآونة الأخيرة انتشار حالات **السكتة الدماغية**

❖ **تعريف السكتة الدماغية:**

حالة تحدث نتيجة عدم وصول الدم المحمل بالأكسجين إلى الدماغ، كحالة طارئة تبدأ فيها خلايا الدماغ بالموت بعد بضع دقائق من عدم وصول الأكسجين.


### قصة للربط:

السكتة الدماغية مثل السكتة تبعيت الانسان الانسان بيسكت اذا اختنق وكذلك الدماغ لما ما يوصله أكسجين بيختنق و بتموت

❖ هناك **نوعان رئيسان من السكتة** هما:

السكتة الدماغية التي تحدث بسبب الجلطات الدموية	تشكل 87 % من الحالات
السكتة الدماغية التي تحدث بسبب النزيف في الدماغ أو حوله	تشكل 13 % من الحالات

87% من حالات السكتة الدماغية هي جلطات بينما الباقي نزوف..



السكتة الدماغية الناتجة عن نزف في المناطق المحيطة بالدماغ




### قصة للربط:

كثير منسمع انو فلان جلطته مرته فالجلطة اشيع (الخرثة)



## السكتة الدماغية



## أعراض السكتة الدماغية:

- الخدر المفاجيء.
- عدم القدرة على تحريك الوجه أو الذراع أو الساق (لاسيما في أحد جانبي الجسم).
- الارتباك.
- مشاكل في التحدث والرؤية والدوخة.
- صعوبة في المشي.
- فقدان التوازن.
- الصداع المفاجيء والشديد.
- مشاكل في التنفس.
- فقدان الوعي.

## شرح

السكتة الدماغية هي حالة خطيرة بتصير نتيجة عدم وصول الدم يلي فيه اكسجين للدماغ فبتبلى خلايا الدماغ تموت والسبب هو انو الخلايا العصبية حساسة جدا لنقص الاكسجين على خلاف بقية الاعضاء وعنا نوعين للسكتة سكتة بسبب جلطة (خثرة) دموية يعني دم بيتجمد وبسد الاوعية الدموية يلي رايحة على الدماغ ويلي بتشكل النسبة الاكبر والسكتة يلي بتصير بسبب النزيف في الدماغ او حوالينه وهي بتصير بنسب قليلة كثير...

الأعراض هي جمع لكلمة عرض وهو لما بيجي المريض للمشفى بقول عم يوجعني هون وهون فهي هي الاعراض طيب واعراض السكتة هي شو؟ بما انها دماغية والدماغ هو اساس كلشي بالتالي ليصير عندنا تأذي بكتيبير وظائف منها الحس فبصير عندنا خدر مفاجيء ومنها الحركة فبصير عدم القدرة ع تحريك اي شي بجسمنا وبصير معنا ارتباك لانه مو قادرين نعمل هالاشياء وبصير ممكن مشاكل بالكلام ! في حالة تضررت باحة الكلام ممكن يكون في دوخة بسبب حالة السكتة بسبب النزف (نتيجة فقد الدم) ممكن صعوبة بالمشي وفقدان التوازن لما بيتضرر المخيخ "في حال انسد شريان بغذيه رح تتضرر خلاياه بالتالي ليصير هيك" ويصير صداع شديد ومفاجيء بسبب توسع الاوعية الدموية لحتى تقدر تاخذ أي اوكسجين بتقدر توصله (مو قلنا عنا انسداد بالوعاء بسبب الخثرة؟) ممكن ينسد وعاء مثلا بروح بغذي البصلة السيسائية ف بصير صعوبة تنفس ممكن يصير فقد وعي نتيجة النزف الكبير.

## أهم العوامل المؤدية لحدوث السكتة الدماغية (أتمتة):

تشمّل:

نقص في النشاط البدني

ارتفاع في ضغط الدم

السمنة

التغذية السيئة

ارتفاع الكوليسترول في الدم

التدخين

**ملاحظة:** عندما ندرس الجهاز العصبي ينبغي ان نفكر بأن **أغلب** إصاباته تأتي من الأجهزة الاخرى، وهذا يساعدنا عندما ندرس الجهاز العصبي على فهم العلاقات بين أجهزة الجسم المختلفة.



نقص نشاط + ارتفاع  
كوليسترول + تدخين  
+ سمنة + ارتفاع ضغط

نقص النشاط يعمل سمنة  
والسمنة يترفع الكوليسترول  
+  
التدخين يرفع ضغط الدم

## شرح

هلا بلش يحكيك عن العوامل يلي رح تخلي الشخص عنده احتمال أكبر للإصابة بالسكتة الدماغية ويلا نبلش فيهن بشكل بسيط.

**السمنة وارتفاع الكوليسترول** منقدر نختصرهن بفكرة الشحم....

(الكوليسترول نوع من انواع الشحم)

الشحوم رح تكثر بالدم وتلرز بالوعاء الدموي ويصير مع الشخص جلطة يعني انسداد وبالتالي ممكن تصير سكتة.

**(ارتفاع ضغط الدم):** ممكن يؤدي لحدوث نزوف بالدماع بالتالي سكتة بسبب النزف.

**(نقص النشاط البدني):** واحد ما عم يعمل شي بهل حياة وما عم يتحرك دمه اكيد حيوقف ويصير فيه جلطة ورجعنا لنفس القصة.

**(التغذية السيئة):** يلي بياكل اكل سيء وغير صحي اكيد رح يصير عنده شحوم ويسمن وبالتالي جلطات وبالتالي سكتة.

**(التدخين):** أساس كل علة.

هون بخرب الوعاء الدموي وبالتالي بشجع على تشكيل الجلطات وبالتالي بشجع حدوث السكتة الدماغية.

ببساطة حتى ما تبكي كثير شوف الصورة لحاطينك ياها وبتحفظهن

**(واحد سمين لا شغلة ولا عملة مرتفع ضغطه عم ياكل اكل غير صحي وعم يدخن كمان)**

لما ندرس الجهاز العصبي لنشوف انه اغلب الاصابات يلي بتصير فيه مو بتبين بالدماع وانما بتبين باعضاء تانية يعني لما بتضرر الباحة المسؤولة عن الحركة مارح يبين عالمخ هالشي وانما لنشوفه كعرض بجهاز تاني ويلي هو الجهاز الحركي (عدم القدرة على تحريك الوجه...)

## منشأ الجهاز العصبي (أتمة)

■ ينشأ الجهاز العصبي خلال **الأسبوع الثالث** من الحياة الجنينية من الوريقة الجنينية **الخارجية**.

■ **منشأ الجهاز العصبي (أتمة) + (رتب):**


١. تتشكل في اللويحة العصبية طيتان جانبيتان مفصولتان **بميزابة عصبية**.

٢. تبرز الطيتان وتلتحمان مع بعضهما في الوسط وتتحول **بميزابة العصبية إلى أنبوب عصبي**

٣. بعدها ينفصل الأنبوب العصبي عن الوريقة الجنينية **الخارجية**


٤. يتشكل **العرف العصبي** من انفصال مجموعة من الخلايا العصبية عن الوريقة الجنينية **الخارجية** وتوضعها **فوق** الأنبوب العصبي.

(موقع)




## شرح

بأول نقطة الميزابة يعني انخفاض وهالميزابة او الانخفاض بصير بين الطيتين بعدين هالطيتين بتتبارز بتبين يعني مثل نتوء وبقربو ععض وبيلتحمو ليشكلو انبوب عصبي وبعدها بينفصل الانبوب عن الوريقة الجنينية الخارجية يلي تشكل منها العرف العصبي ممكن يجي كسؤال حدد موقع انتبه! وانتبه أنه (فوق) الانبوب العصبي



تطور الحويصلات



ينفصل الانبوب العصبي عن الوريقة الجنينية **الخارجية** في **نهاية** الاسبوع الرابع من الحمل ويظهر في الأنبوب العصبي من الامام ثلاث حويصلات.

يتشكل النخاع الشوكي من القسم المتبقي من الأنبوب العصبي تشكل خلايا العرف العصبي العقد العصبية. (أتمتة) + (ماذا ينتج).

تتعقد بنية الدماغ تدريجيا كلما ارتقينا في سلم تطور الفقاريات وعند **الثدييات** نما الدماغ وتخصصت اقسامه وتعددت مراكزه ووظائفه (الكلام هاد فقط للإشارة انه كلما سعدنا بسلم تطور الكائنات الحية كلما تعقد الجهاز العصبي اكثر واقصى درجات التعقيد والكفاءة عند الانسان)

## الدماغ (أتمتة)

تبلغ كتلة الدماغ في الإنسان البالغ نحو 1400 غراما ويستهلك نحو 20٪ تقريبا من الأكسجين الذي يصل للجسم، ويعد **الغلوكوز** الغذاء الرئيس لخلايا الدماغ. يتكون الدماغ من: المخ، والدماغ البيئي (المهادي)، وجذع الدماغ، والمخيخ.

## شرح

الفقرة ما بدها شرح ابداء معلومات نظرية للحفاظ...

ممكن يجبلك والله شو الغذاء الرئيسي لخلايا الدماغ هون بتقله انت انو الغلوكوز شو هو الغلوكوز؟ ما بهمك تعرف كثير بس هو نوع من انواع السكاكر بعدين قلك مما يتكون الدماغ وهاد شي حنتوسع فيه بعدين...

توجد للدماغ تراكيب تقوم بحمايته هي :

١. عظام القحف
٢. السحايا

٣. السائل الدماغي الشوكي
٤. الحاجز الدماغي الدموي



## السائل الدماغي الشوكي:

الداخلي	الخارجي
يوجد في قناة السيساء و بطينات الدماغ (موقع)	يوجد في الحيز تحت العنكبوتي (بين الغشاء العنكبوتي وغشاء الام الحنون) (موقع)

أتي أهمية السائل الدماغي الشوكي من كونه يشكل وسادة مائية تحيط بالدماغ والنخاع الشوكي وتحميها من الصدمات او الانضغاط (وظيفة).

## قصة للربط:

السائل الدماغي الشوكي الداخلي في قناة السيساء و بطينات الدماغ سيساء : يستاء أيمت الواحد يستاء اذا #داخ (داخلي) وسقط على الارض فالداخلي داخ يستاء سيساء ، البطينات واضحة انو هي شي داخلي بينما ال CSF الخارجي في الحيز تحت العنكبوتي ، وين العنكبوت بيكون #بالخارج اكيده.. أهمية السائل الحماية وضوحاً مثل المخدة المائية يحمي من الصدمات والانضغاطات

## الحاجز الدموي الدماغي (أتمتة) + (وظيفة):

يمنع وصول المواد الخطرة التي قد تأتي مع الدم إلى الدماغ، وينظم البيئة الداخلية لخلايا الدماغ.

المواد الضارة  
للدماغ



المواد المفيدة  
للدماغ




## شرح

هي البنى بتقوم بحماية الدماغ ... السائل الدماغي الشوكي هو اساسا موجود جوا بطينات الدماغ والقناة السيسائية تمام! لهيك في سائل دماغي شوكي داخلي ... الخارجي من وين اجا! الخارجي ياسيدي هو نفسو سائل دماغي شوكي داخلي بس اجا طلع من ثقبين اسمن لوشكا وثقب اسمو ماجندي موجودين بالبطين الرابع (لاتخاف عزيزي رح يمر معنا بعد شوية) لوين راح السائل! راح للحيز تحت العنكبوتي (يلي هو بين الغشاء العنكبوتي وغشاء الام الحنون) وصار اسمه سائل دماغي شوكي خارجي وعفكرة اجا سؤال دورة تحديد موقع (بتلاقوهن كلن ببنك الاسئلة)... الحاجز الدموي الدماغي بيمنع وصول المواد الضارة للدماغ من خلال شغلتين اول شغلة انه الاوعية الدماغية هي الاوعية الوحيدة يلي ما الها ثقوب دقيقة ليمر منها الغذاء للخلايا عكس بقية الاوعية وتاني شغلة في شي اسمو ابواق وعائية هالابواق بتمنع توصل مواد ضارة للدماغ (لنشوفها بالدرس الثاني)

## قصة للربط:

الحاجز الدماغي الدموي  
مثل حواجز التفتيش بيمنع  
وصول المواد الممنوعة  
الضارة.. للدماغ



الوجه الظهري للدماغ

## يتكون الوجه الظهري لدماغ الخاروف:

١. المخ

أكبر أقسام الدماغ، تتسع سطح القشرة الرمادية (السنجابية) للمخ (علل)!


لوجود عدد كبير من التلافيف والشقوق.

ألاحظ الشق الأمامي الخلفي (وظيفة) الذي يقسم المخ إلى نصفي

كرة مخية.

ألاحظ الشقوق الثلاثة والفصوص الأربعة في قشرة كل نصف كرة مخية.

- 1 = الشق الخلفي (القائم)  
2 = فص جداري  
3 = الفص الجبهي  
4 = شق سيليفيوس (الوحشي)  
5 = الفص الصدغي



## ٢. المخيخ:

يتألف من: نصفي كرة مخيخية، وفص متوسط دودي الشكل، (علل)؟  
لوجود أثلام عرضية عليه.

## ٣. البصلة السيسائية:

شكلها مخروطي، ولونها أبيض.

## شرح

وهلا بلشنا بالجد كلشي قبل كان لعب ولاد... قال رح يقسمك الوجه الخلفي للدماغ ل ٣ اقسام..... شو يعني هل حكي؟  
يعني انت لما تطلع عالمماغ من الخلف حتشوف هل 3 شغلات


• البصلة السيسائية

• المخيخ

• المخ

يلا نبلس بالمخ...

لونه رمادي من برا وابيض من جوا... قال هو اكبر اقسام الدماغ واكيد هل شي معروف (اصلا كل العالم بتقول عن الدماغ مخ) وهو واسع كتير طيب بتعرف ليش يا عيوني؟  
قال هو اكبر اقسام الدماغ واكيد هل شي معروف (اصلا كل العالم بتقول عن الدماغ مخ) وهو واسع كتير طيب بتعرف ليش يا عيوني؟ قال لوجود عدد كبير من التلافيف والشقوق



حاكيني عربي معلم.... يلا يعني ببساطة تعرجات مع انخفاضات بتخليلي سطح المخ واسع بتقدر تشوف الرسمه مبين معك وهي رسمه خارجية من عندي عيش بهل نعم (لا تصرعني مو مطلوبة)

في عندي شق كبير كمان اسمه الشق الامامي الخلفي

من اسمه يعني شق بيمتد من الامام للخلف وبشكلي نصفي الكرة المخية

مو ولاحظه: حنعرف بعد فقرتين انو نصفي الكرة موصولين ببغض عن طريق الجسم الثفني ومثلث المخ خليها ببالك وعنا 3 شقوق و 4 فصوص يلا نعدهن سوا:

الشقوق: 1. شق رولاندو (لا عزاء لبرشلونه) 2. شق سيليفيوس 3. الشق القائم

الفصوص: 1. الفص الجبهي 2. الفص الجداري 3. الفص الصدغي 4. الفص القفوي

وحنكمل بالمخيخ...

كمان مثل صاحبنا لقبله رمادي من برا ابيض من جوا وبيتكون من نصفي كرة بس هون انتبه مو مخية لالا


نصفي كرة مخيخية وعطينا المخيخ حبة زيادة وعنده فص متوسط ودلعناه دودي

دودي لوجودي اثلام عرضية يعني مثل شقوق بشكل عرضي وبالتالي بيطلع شكله مثل الدودة

وأخيرا على الوجه الظهر في عنا البصلة السيسائية يلي حبت تجاكر لقبلها وعكست الالوان... ابيض من برا ورمادي من جوا

وشكلها مثل المخروط (اذا ما بتعرف شو يعني مخروط ارجع ابتدائي يا عيني)


وبالنسبة للوظائف فمعرفة بالدروس الاخيرة من العصبية لا تستعجل على رزك

**وعلى السطح الظهري من الدماغ المتوسط نلاحظ:**

الغدة الصنوبرية أمام الحددات التوءمية الأربع. . (موقع)

**وعلى الوجه البطني لدماغ الخاروف من الامام الى الخلف يظهر ما يلي:**

- ✓ الفص الشمي
- ✓ الوطاء
- ✓ الحدة الحلقية (جسر فارول)
- ✓ العصب البصري
- ✓ السويقة النخامية
- ✓ البصلة السيسائية



امتداد بشكل لسان أمام وأسفل كل نصف كرة مخية  
(موقع)

الفص الشمي

يشكل أرضية البطين الثالث (موقع).

الوطاء

أمام الحدة الحلقية (موقع)

السويقة المخية

امتدادان بشكل حرف V لونهما أبيض يتباعدان عند  
الوطاء (أتمة)

الحدة الحلقية  
(جسر فارول)

تبارز مستعرض يقع أمام البصلة السيسائية (موقع) لونه  
أبيض.

البصلة

شكلها مخروطي، لونها أبيض، تقع بين الحدة الحلقية من  
الأعلى والنخاع الشوكي من الأسفل. (موقع)

السيسائية

**الملاحظة الأولى:** الوطاء هو مكان ارتباط الغدة النخامية بالدماغ (ترتبط الغدة النخامية بالوطاء عن طريق السويقة النخامية).

**الملاحظة الثانية:** يتصالب العصبين البصريين أمام الوطاء.

**الملاحظة الثالثة:** يتألف الدماغ المتوسط من السويقتين المخيتين والحدبات التوءمية الأربع.

**الملاحظة الرابعة:** يتألف الدماغ المهادي (البيني) من المهادين والوطاء، ويشكل الدماغ البيني صلة وصل بين نصفي الكرة المخية وجذع الدماغ (وظيفة).

## شرح

كمان هي الفقرة شارحة حالها بحالها...

عم يكملك بسرده ويقله انو اذا انا شفت الوجه البطني للدماغ حلاقي الشغلات لعديناهن فوق...


هي الفقرة كتير بحبوها بالدورات وتكاد لا تخلوا دورة بسؤال من هي الفقرة يا اما موقع يا اما مصطلح علمي كإختر إجابة يعني الملاحظات هامين جدا ويلى بين قوسين بالملاحظة الاولى موجود بالدرس الاول هرمونات جبنه لهون لنسهل عليكن عملية الربط

ما في داعي ذكرك انو يلى تحته خط وملون كتير مهم كتيبيير مهم واذا ما كتبتة ما بتاخذ علامة مو؟!

### الأجزاء الداخلية للدماغ:

- ← الجسم الثفني
- ← الجسم المخطط
- ← مثلث المخ (القبو)
- ← بطينان جانبيين
- ← البطين الرابع
- ← المهادان
- ← البطين الثالث

١. الجسم الثفني ← جسر من مادة بيضاء في قاع الشق الأمامي الخلفي (موقع) + (اتممة)
٢. مثلث المخ (القبو) ← جسر أبيض تحت الجسم الثفني
٣. المهادان ← كتلتان عصبيتان كبيرتان شكلهما بيضوي، يتكونان من مادة رمادية (اتممة) في كل نصف كرة مخية بطيناً جانبياً واحداً (موقع)
٤. الجسم المخطط ← كتلة رمادية تقع في قاعدة كل بطين جانبي (موقع).



**ملاحظة:**

- ☆ الوطاء يشكل أرضية البطين الثالث
- ☆ المهادان على جانبي البطين الثالث
- ☆ البطين الثالث يقع بين المهادين

## شرح

وصلنا برحلتنا للجزء الداخلي يعني فتحنا الدماغ من جوا وشفنا شوفي بقلبه وعددناهن فوق أول شي... بتتذكر لما حكيتلك عن الشق الأمامي الخلفي! (برافوو هاد يلي كان يقسم المخ لنصفي كرة مخية) طيب كيف النصفين متصلين!؟

قال في جسران من مادة بيضاء بيصلوا بين كل نصين وهي وظيفتهن... الاول اسمه الجسم الثفني والثاني تحته مثلث المخ وجبنا الاسم الثاني للمثلث يلي هو القبو من الرسمة الموجودة بالدرس التامن عصبية.

وعنا بقلب الدماغ ٤ بطينات فيهن مثل سائل حنكي عليهن الفقرة الجاية بس حطلي ببالك انو في بطين اسمه البطين الثالث

أرضية هل بطين هو الوطاء بتتذكروا!؟

وعلى جانبي هاد البطين عنا المهادان.

وعنا بطينين جانبيين كل بطين موجود بنصف كرة مخية بقاعدة كل بطين موجود عنا جسم منسميه الجسم الثفني.


## ٥. بطينات الدماغ (يتكون الدماغ من 4 بطينات)

### موقع كل بطين

في كل نصف كرة مخية	بطينان جانبيان
بين المهادين	البطين الثالث
بين البصلة السيسائية والحنك الحلقية والمخيخ	البطين الرابع

تصل البطين الثالث مع البطين الرابع (موقع) + (وظيفة)	قناة سيليفيوس
تتصل بالبطين الرابع من الأسفل (موقع)	قناة السييساء
تصل البطين الثالث مع البطينين الجانبيين (موقع) + (وظيفة)	فرجتا مورنو

ينفتح البطين الرابع على الحيز **تحت** العنكبوتي عبر ثلاثة ثقوب (ثقب ماجندي، وثقبا لوشكا) يمرّ منها السائل الدماغي الشوكي.  
(موقع) + (وظيفة)



بطينات الدماغ

## الشرح

الفقرة بتحفظها مع الرسومات الموجودين منشان تشغل الذاكرة البصرية.... لا تبكي من المواقع معك معك بتحفظهن طلع معي عالرسمة وشوف شلون في بطينين جانبيين وفي بالنص بطين ثالث؛ اي بيصل بين البطين الثالث والبطينين الجانبيين فرجتا مورنو وبين البطين الثالث والبطين الرابع قناة سيلفيوس

### الإستسقاء الدماغى: (أتمتة) + (دراسة حالة)

تراكم السائل الدماغي الشوكي في بطينات الدماغ، فيزداد حجمها وتضغط على الدماغ. (ماذا ينتج).  
قد يؤدي ذلك إلى إتلاف أنسجة الدماغ ، وزيادة سريعة في حجم الرأس ، يتبعه تخلف عقلي لدى الرضع .


لما تشوف رضيع عم يكبر رأسو بسرعة



ويقلولك إنو هاد من الذكاء



بعدين تتذكر إنو هاد استسقاء بي عمل تلف بالدماغ وتخلف



### أسباب الإستسقاء الدماغى:

- انسداد جزئي يمنع التدفق الطبيعي للسائل الدماغي الشوكي المتجدد بين بطينات الدماغ.
- فرط إنتاج السائل الدماغي الشوكي، مما يمكن امتصاصه.

طفل معو استسقاء دماغ


النسيج المسؤول عن امتصاص السائل الدماغي الشوكي



## الشرح

بعد ما تعرّفنا ع البطينات الدماغية، لازم ندرس حاليا حالة الاستسقاء الدماغي يلي بحبو يجيبوها حالة وتعاليل .  
 بداية السائل الدماغي الشوكي بينفرز من داخل البطينات وبيتجول جواتن، وأيضا بتم اعادة امتصاصو للدم من جديد لتنشال الفضلات يلي فيه لهيك هو متجدد ومتحرك بشكل دائم .  
 لكن في حال صار في انسداد ( جزئي ) ووقف السائل عن الحركة وتجمع داخل منطقة، أو في حال صارت مشكلة ومعد قدرت الاوعية ترجع تمتصو، أكيد رح تزداد كمية السائل وهاي هي حالة الاستسقاء، بس زاد حجمو رح يدفش الخلايا العصبية ورح تموت ، لهيك المريض بصيبو تخلف عقلي، ورح يزداد حجم رأسو أكيد لان هاد طفل ولسا عند رأسه في عظام مو مغلقة (منعرف الولد الصغير الي عمره اقل من سنة اذا لقينا رأسه من فوق بكون في فضا) ف لهاالسبب ونتيجة كبر حجم البطينات بيكبر حجم الرأس كمان لان مفي عظام مغلقة تمنع كبرو



## والآن مع الرسمة الشاملة في الدرس:




- |                     |                       |
|---------------------|-----------------------|
| ١. البطين الثالث    | ٢. الغدة الصنوبرية    |
| ٣. البطين الرابع    | ٤. المخيخ             |
| ٥. البصلة السيسائية | ٦. الحدة الحلقية      |
| ٧. الغدة النخامية   | ٨. البطينين الجانبيين |

## فقرة مواقع صغيرة: (تابع مع الرسمة)

- **الدماغ المتوسط:** من الأعلى الدماغ البيني ومن الأسفل الحدة.
- **الحدة الحلقية:** بين الدماغ المتوسط في الاعلى والبصلة من الأسس .
- **البصلة السيسائية:** بين الحدة من الاعلى والنخاع الشوكي من الأسفل.



## خريطة مفاهيم نصف خارقة:



## النخاع الشوكي (أتمتة)

حبل عصبي أبيض أسطواني عليه انتفاخان: رقبتي، وقطني.


يستدق في نهايته السفلية مشكلا المخروط النخاعي. (ماذا ينتج)

يمتد حتى مستوى **الفقرة القطنية الثانية** وبعد هذه الفقرة، فإن القناة الفقرية لا تحوي بداخلها إلا على السحايا،

والسائل الدماغي الشوكي، ومجموعة أعصاب تشكل ذيل الفرس.

**الرباط الضام: (وظيفة)**

هو الذي يثبت **النهاية السفلية** للنخاع الشوكي **بنهاية** القناة الفقرية **(الخيطة الانتهائي)**



### شرح

مهم نعرف انه النخاع الشوكي فقط يمتد حتى مستوى الفقرة القطنية 2 بالتالي نحن منعمل بزل (سحب سائل من جوف) بين الفقرة القطنية الثالثة والرابعة

**قصة للربط: الخيطة الانتهائي:** رباط ضام يثبت النهاية السفلية للنخاع الشوكي بنهاية القناة الفقرية.. مشان النخاع ما يتحرك في رباط من تحت بثبته بمكانه واسمه بدل على مكانه خيطة انتهائي يعني بالنهاية واكيد هو ضام كونه بضم النخاع الشوكي و بثبته

في المقطع العرضي من النخاع الشوكي، نميز منطقتين :

### في المحيط


توجد المادة البيضاء، ونميز فيها 6 أثلام، هي: الثلم الامامي والثلم الخلفي واربعة اثلام جانبية

### في المركز

توجد المادة الرمادية متوضعة حول قناة السيساء، وتبدو بشكل حرف (X)؛ لها قرنان أماميان وقرنان خلفيان يتميز القرن الأمامي بأنه عريض وقصير ويتميز القرن الخلفي بكونه ضيق وطويل ويوجد بين كل قرن خلفي وقرن أمامي قرن جانبي. (موقع)

### شرح

الخلية العصبية بتتكون من جسم الخلية واستطالات الجسم يلي هي (التغصنات والمحوار)...من البديهي انو تجمع الاجسام مع بعضا رح يعطي كثافة هادي الكثافة منسما المادة الرماية لانو لونها رمادي اما تجمع المحاوير العصبية مع بعضا رح يعطي شكل حبل ابيض لذلك سمو تجمع المحاوير بالمادة البيضاء (طبعا رح نعرف بعدين بالدرس الثاني انو المحاوير فيها غمد النخاعين يلي لونها ابيض لهيك بيطلع لون المحاوير ابيض)... معنا تا وين مابشوف مادة رمادية لازم اعرف انو هي اجسام الخلايا العصبية... جسم الخلية هو يلي بعالج المعلومات وبيبعنا عبر المحوار...طيب شو هي الحبال تبع النخاع الشوكي؟



مقطع عرضي حقيقي في النخاع الشوكي

الحبال هي ببساطة فينا نسما الممرات يلي معمولة لتنحط المحاوير تبع الخلايا فيها...يعني اذا المادة الرمادية يلي موجودة بمركز النخاع الشوكي بدا تبعت رسالة للايد انها تتحرك الرسالة بدا تمشي عبر المحوار والمحوار لازم يكون موجود داخل الحبل...المادة الرمادية دهنت فيا الدماغ لهيك هي بالمحيط...أما بالنخاع الشوكي فأنا صببنا جواتو لهيك هي بالمركز نشالته تكون وضحت الفكرة.

الثلث الأمامي	الثلث الخلفي
عريض وقليل العمق	ضيق وعميق
لا يصل لحدود المادة الرمادية	يصل إلى حدود المادة الرمادية

القرنان الأماميان عريضان وقصيران، أما القرنان الخلفيان ضيقان وطويلان .

المادة الرمادية	المادة البيضاء
محيطية	مركزية
مركزية تتوضع حول قناة السيساء	محيطية

### تجميعات ألوان:

لونه رمادي	لونه أبيض
١. الجسم المخطط	١. الجسم الثفني
٢. المهادين	٢. مثلث المخ
٣. المخ والمخيخ (من الخارج)	٣. السويقتان المخيتان
٤. البصلة السيسائية والنخاع الشوكي (من الداخل)	٤. الحدة الحلقية
	٥. المخ والمخيخ (من الداخل)
	٦. البصلة السيسائية والنخاع الشوكي (من الخارج)

### والآن مع المخطط الحارق الخارق المتفجر للدرس الأول:



## اسئلة نهاية الدرس:



**أولاً: أختار الإجابة الصحيحة لكل مما يأتي:**

١. إحدى هذه البنى العصبية ليست جزءاً من جذع الدماغ:	٢. يمر السائل الدماغي الشوكي من البطين الرابع إلى الحيز تحت العنكبوتي عن طريق:
أ- المهاد	أ- قناة سيليفيوس
ب- البصلة السيسائية	ب- ثقب ماجندي وثقبا لوشكا
ج- الدماغ المتوسط	ج- قناة السيساء
د- الحدة الحلقية. ...	د- البطين الثالث.

١. أ " المهاد"	٢. ب " ثقب ماجندي وثقبا لوشكا"
----------------	--------------------------------

**ثانياً: أعدد موقع كل من البنى العصبية الآتية:**

الجسم المخطط	في قاعدة البطين الجانبي
الغدة النخامية	على الوجه السفلي للدماغ وترتبط بالوطاء
الغدة الصنوبرية	امام الحدبات التوءمية الاربعة
السويقتان المخيتان	امام الحدبا الحلقية (جسر فارول)
الفصان الشميان	اسفل وامام كل نصف كرة مخية

**ثالثاً: اعط تفسيراً علمياً:**

١. **تتكمش هيدرية الماء العذب بأكملها عند لمسها؟**

بسبب وجود شبكة من الخلايا العصبية الاولية توصل السيالة العصبية في كل الاتجاهات

٢. **يعد الجهاز العصبي لدى دودة الارض اكثر تطوراً من الجهاز العصبي لدى هيدرية الماء العذب؟**

لان دودة الارض تمتلك جهاز عصبي معقد نسبياً مكون من حبل عصبي بطني وعقد واعصاب بينما نجد في الهيدرية شبكة من الخلايا العصبية الاولية على جانبي الهلأمة المتوسطة

**رابعاً: اذكر وظيفة كل مما يأتي:**

الخيط الانتهائي	يثبت النهاية السفلية للنخاع الشوكي <u>بنهاية القناة الفقرية</u>
ثقب ماجندي وثقبا لوشكا	ينفتح بواسطتها البطين الرابع على الحيز تحت العنكبوتي ويمر منها السائل الدماغي الشوكي
السائل الدماغي الشوكي	يشكل وسادة مائية تحيط بالدماغ والنخاع الشوكي وتحميهما من الصدمات
فرجتا مونرو	تصلان البطين الثالث مع البطينين الجانبيين

**خامساً: ورقة عمل:**

يتم تشخيص بعض الامراض العصبية من خلال تحليل السائل الدماغي الشوكي ويتم الحصول عليه بإدخال إبرة معقمة الى الحيز تحت العنكبوتي بين الفقرات القطنية الثالثة والرابعة والمطلوب :

شكلك وأنت فخور بنفسك إنك عملت بزل قطني من فوق الفقرة القطنية الأولى



1. لماذا ينفذ إجراء البزل القطني عادة بين الفقرات القطنية الثالثة والرابعة؟

لان النخاع الشوكي يمتد حتى مستوى **الفقرة القطنية الثانية** وبالتالي لا تتم اذيته عند سحب السائل الدماغي الشوكي.

2. ما المضاعفات التي قد تحدث عند إجراء البزل القطني؟

- الاحساس بالصداع بعد سحب السائل الدماغي الشوكي.
- الالم وعدم الارتياح في مكان ادخال الابرة.
- من المضاعفات الاندر : تشكل الكدمة او التهاب السحايا او تسرب للسائل الدماغي الشوكي بعد البزل القطني.

3. اذكر بعض الامراض التي يتم الكشف عنها من خلال عملية البزل القطني ؟

- ← يشير وجود كريات دم حمراء او صفراء في السائل الدماغي الشوكي الى نزف تحت عنكبوتي.
- ← معرفة اصابة الجهاز العصبي المركزي بعدوى كما هو الحال في التهاب السحايا عبر الاستدلال بارتفاع تعداد خلايا الدم البيضاء في السائل الدماغي الشوكي.
- ← تشخيص امراض المناعة الذاتية والكشف عن التصلب المتعدد والذئبة الحمامية الجهازية من خلال اختبارات الاجسام المناعية النوعية.
- ← قد يجرى البزل القطني لقياس الضغط داخل القحف والذي قد يزداد في أنماط محددة من استسقاء الدماغ.



# بكالوجيا


## أهلاً بكم أصدقاء فريق بكالوجيا

الخدمات التي يقدمها فريقنا لطلاب البكالوريا في سوريا من:

1- منصة تعلم عن بعد (عن طريق تطبيق الكتروني).

2- فيديوهات لشرح المادة وحل التمارين.

3- نوط شاملة لمواد البكالوريا وبنوك أسئلة.



اضغط على شعارات وسائل التواصل...  
لنبدأ معاً



كل الملفات التي يحتاجها طالب  
البكالوريا أصبحت في مكان واحد